

KANTONALNI SUD U SARAJEVU, sa sjedištem u ulici Šenoina broj: 1. Sarajevo, ID broj: 4200235110001 (u daljem tekstu Korisnik) koga zastupa i predstavlja Predsjednik suda Jasmin Jahjaefendić

i

„**ARCUS**“ **d.o.o. Sarajevo**, sa sjedištem u ulici Dr. F. Bećirbegovića broj 8e, ID broj: 4200147330000 (u daljem tekstu Izvršilac) koga zastupa i predstavlja direktor Hasan Karabeg,

zaključuju sljedeći:

UGOVOR

O NABAVCI USLUGE PUTEM DIREKTOG SPORAZUMA

PREDMET UGOVORA

Član 1.

Predmet ovog Ugovora je nabavka usluga održavanja sistema vatrodjave proizvođača Siemens - AlgoRex za potrebe Kantonalnog suda u Sarajevu prema zahtjevu Korisnika, a u skladu sa prihvaćenom ponudom Izvršioca broj: 473-D-2017 od 22.12.2017. godine koja je sastavni dio ovog ugovora. Ukupna vrijednost ugovora iznosi 5.280,00 KM (slovima: pet hiljada dvije stotine osamdeset KM) bez uračunatog PDV-a, a sa uračunatim PDV-om 6.177,60 KM.

OBAVEZE IZVRŠIOCA

Član 2.

Ovim ugovorom određuju se obaveze Izvršioca:

- Otklanjanje kvarova na sistemu vatrodjave po pozivu službe obezbjeđenja na objektu. Vrijeme odziva treba da bude maksimalno 8 sati, a vrijeme otklanjanja kvara je 24 sata, osim kada kvar nastane na elementima koje izvršilac nema na lageru. Kontakt telefon u slučaju kvara je dežurni telefon Izvršioca broj 062/993 500. Podešavanje parametara elemenata sistema prema ukazanim zahtjevima objekta (parametriranje javljača, izmjene korisničkih tekstova u sistemu vatrodjave i slično).
- Izvršilac je dužan da, ukoliko dođe do promjene osoblja Korisnika koje je zaduženo za rad na sistemu, po nalogu korisnika, izvrši obuku novog osoblja.

- Izvršilac je dužan da obezbijedi rezervne dijelove za sistem po najpovoljnijoj cijeni, bilo iz svog magacina, bilo iz drugog izvora u zemlji ili inostranstvu, u najkraćem mogućem roku. Garancija za rezervne dijelove je 12 mjeseci.
- Izvršilac je dužan da, po nalogu korisnika, obavi i druge radnje iz svog domena koje će doprinjeti pravilnom ili boljem funkcionisanju sistema, a koje je zatražio Korisnik ili ih je predložio Serviser.
- Izvršilac je dužan da po preuzimanju sistema na održavanje izvrši obuku osoblja Korisnika koje će rukovati sistemima. Serviser će obezbijediti i uputstvo za rukovanje u pismenoj formi.
- Izvršilac će sa ciljem dugoročnog pravilnog funkcionisanja i eksploatisanja sistema sa dobrom voljom na osnovu svojih stručnih procjena nastojati da Korisniku izađe u susret i na drugi način (npr. predlaganje izvršenja aktivnosti koje će doprinijeti pravilnom ili boljem funkcionisanju sistema), pogotovu ako to kod njega ne iziskuje značajne troškove.
- Izvršilac je dužan pridržavati se Upute o postupanju vanjskih izvođača po pitanju zaštite okoliša i zaštite na radu.
- Izvršilac je dužan uslugu servisiranja izvršavati kontinuirano tokom ugovornog perioda.

ODGOVORNOST IZVRŠIOCA

Član 3.

Izvršilac će korisniku nadoknaditi svaku štetu koja nastane njegovim nestručnim radom ili nepostupanjem u skladu sa odredbama Ugovora.

MJESTO PRUŽANJA USLUGA

Član 4.

Usluga će se pružati u prostorijama Kantonalnog suda u Sarajevu i to na adresi:

Šenoina broj: 1, Sarajevo

VRIJEME PRUŽANJA USLUGA

Član 5.

Izvršilac je dužan uslugu iz člana 1. izvršiti u skladu sa pozitivnim zakonskim propisima i ovim ugovorom u najkraćem mogućem roku od momenta prijema narudžbe.

PLAĆANJE USLUGA

Član 6.

Korisnik je obavezan izvršiti plaćanje fakture za pruženu uslugu u roku od 30 dana od datuma dospjeća fakture putem JRT Kantona Sarajevo i to na račun Izvršioca broj: 1610000008100093 kod Raiffeisen bank d.d. Sarajevo .

Plaćanje usluge servisiranja definisane ovim ugovorom je 440,00 KM mjesečno bez PDV-a, odnosno 514,80 KM sa PDV-om.

TRAJANJE UGOVORA

Član 7.

Ugovor se zaključuje na period od 12 mjeseci počev od potpisivanja istog ili ispunjenja usluge iz člana 1. ovog Ugovora. Sve eventualne primjedbe na izvršene usluge imaju se saopštiti Izvršiocu odmah, a najkasnije u roku od 3 dana. Izvršilac se obavezuje da nedostatke uvaži i iste otkloni u roku od 3 dana od dana saopštenja.

ZAVRŠNE ODREDBE

Član 8.

Sve eventualne sporove ugovorne strane će rješavati mirnim putem, a ako u tome ne uspiju, ugovaraju nadležnost suda u Sarajevu.

Član 9.

Ugovor je sačinjen u četiri /4/ istovjetna primjerka od kojih svaka ugovorna strana zadržava po dva /2/ za svoje potrebe.

Izvršilac

„ARCUS“ d.o.o. SARAJEVO

Korisnik

KANTONALNI SUD U SARAJEVU

Direktor:

Hasan Karabeg

Predsjednik suda:

Jasmin Jahjaefendić

Broj:

Broj: 009-0-Su-17-001262

Sarajevo, _____ . godine

Sarajevo, _____ . godine

